


PLÁNASTRATEGIIJA

GUOVDAGEAINNU SUOHKAN – KAUTOKEINO KOMMUNE

2024 – 2027



Suohkanstivra dohkkehan 19.12.2024, ášši 68/24

Sisdoallu

| | |
|--|---|
| Ovdasátni..... | Feil! Bokmerke er ikke definert. |
| 1. Álggahus | Feil! Bokmerke er ikke definert. |
| 2. Nationála ja regionála láidestusat | 6 |
| 2.1 Nationála vuordámušat suohkanlaš ja regionála plánemii | 6 |
| 2.2 ONa bisteavašvuodamihtut..... | 7 |
| 2.3 Regionála láidestusat..... | 8 |
| 3. Guovdageainnu suohkana plánavuogádat | 9 |
| 3.1 Suohkanplána | 10 |
| 3.2 Suohkanoasseplána ja muddenplánat | 10 |
| 3.3 Temaplan | 10 |
| 3.4 Bušeahhta ja doaibmaoassi ekonomijaplánain (DEP) | 11 |
| 3.5 Doaibmaplána | 11 |
| 3.6 Strategijat | 11 |
| 3.7 Doahpagat ja sátnelistu | 11 |
| 4. Hástalusgovva ja plánadárbu..... | 13 |
| 4.1 Ollislaš servodatovdáneapmi | 13 |
| 4.2 Sámegiella | 15 |
| 4.3 Sosiála bisteavašvuohta..... | 16 |
| 4.4 Dálkkádat- ja biraslaš bisteavašvuohta..... | 20 |
| 4.5 Ekonomalaš bisteavašvuohta | 23 |
| 5. Planstrategija 2024 – 2027 | 27 |
| 6. Suohkanstivrra mearrádus ášši 68/24 | 28 |

Ofelaš Sámis - Veiviseren i Sápmi

Ovdasátni

Plánastrategiija lea plána plánaide. Plánastrategiija galgá čilget makkár plánaid mii dárbbáshit jus galgat čoavdit hástalusaid mat mis boahtteáiggis leat. Buorit plánat addet sihke háld dahussii, politihkkáriidda ja ássiide einnostahtivuođa ja reaidduid stívet Guovdageainnoservodaga ja Guovdageainnu suohkana rievttes guvlui boahttevaš jagiid.

Ofelaš Sámis - Veiviseren i Sápmi

Min Ofelaš Sámis višuvdna govvida ángiris boahtteáiggediđolaš geainnu sámi servodaga ofelažžan. Guovdageaidnu suohkanis leat ovddas guvlui stuora vejolašvuodat ja hástalusat. Dehálaš oassin Sámis, mis lea ovddasvástádus hálddašít min resurssaid dakkár vugiin ahte mii sihkarastit bisteavaš ovdáneami otná ja boahttevaš buolvvaide.

Go suohkan mearrida ođđa plánastrategiija, de vuodđun dasa leat hástalusat maid mii oaidnit, viiddis máhttovuođu vuodul, dakhkon 2023:s ja 2024:s. Ođđa suohkanoasseplána servodatoasi proseassa oktavuođas, lea Guovdageainnu suohkanis leamašan viiddis mielváikkuhanproseassa. Mis leat ollu ássit buktán cealkámušat ja juogadan oaiviliid mot Guovdageainnoservodat galgá leat boahtteáiggis. Dáid oainnuid leat váldán fárrui ráhkadettiin dán plánastrategiija.

Boahttevaš jagiin bohtet máŋga dehálaš proseassa mii gáibida mis sihke heivehanmuni, rievdadandáhtu ja mearrediđolašvuoda. Dálkkádatrievdamat, birashástalusat, álbmotlogu njiedjan, ekonomalaš eahpesihkarvuhta ja servodatstruktuvrraid rievdamat, leat dušše muhtun dain fáttain maid mii šaddat gieđahallat. Jus galgat lihkostuvvat dánna bargguin, de mii dárbbáshit ovttasbarggu – sihke min iežamet ássiiguin ja eará servodataktevrraiguin.

1. Álggahus

Plánastrategiija galgá čielggadit makkár plánabargguigun suohkan galgá bargat suohkanstivra áigodagas vái láhčá dili sávvojuvvon ovdáneapmái. Mihttu lea nannet politikhalaš stivrema plánabargguin mat galgá vuoruhuvvot, ja ahte viiddis árvvoštallamat suohkana hástalusain leat vuodđun vuoruhemiide.

Suohkanin mii leat geatnegahton mearridit plánastrategiija ovdal jahki lea gollan dan rájes ođđa suohkanstivra vuodđuduuvvui. Plánastrategiija ii leat plánašlädja, muhto veahkkeneavvu mainna mearrida viidáset plánabarggu. Plánastrategiijas ii mearrit mihtuid ja konkrehta strategijaid, dan dakhá suohkanplána servodatoasis.

Suohkanat galget čoavdit mánggabealat servodatváttisvuodđaid ja galget plána- ja huksenlága (phl) mielde "ovddidit bisteavašvuoda buoremussan ovttaskasolbmuide, servodahkii ja boahttevaš buolvvaide". Phl § 10-1 mielde galgá: "Plánastrategiija galgá digaštallat suohkana strategalaš válljemiid servodatovdáneami dáfus, nugo guhkeságge areálageavaheami, birashástalusaid, surgiid doaimmaid ja árvvoštallama plánadárbbus mii suohkanis lea válgaáigodagas ".

Plánastrategiija ulbmil lea earret eará oažžut bajlgova das

- makkár plánat gávdnojit ja árvvoštallama dain
- makkár plánaid berre ođastit
- makkár plánaid berre bidjet eret
- makkár ođđa plánaid berre ráhkadit

Plánat mat namuhuvvojit plánastrategiijas leat guovddáš plánat maid suohkanstivra lea dohkkehan. Siskkáldas plánat eai leat plánastrategiijas oassin.

Plánastrategiijas galgá maiddái mearriduvvot galgá go dálá suohkanplána ođastuvvon ollásit dahje belohahkii, dahje jus galgá jotkojuvvot rievdadusaid haga. Proseassa lea juo álggahuvvón 2023:s mas suohkanoasseplána servodatoasis dahkko ollislaš revišuvdna, mii dohkkehuvvo 2025 njukčamánuš.

Plánastrategiija galgá maid dadjat juoidá nationála ja regionála stivrenválddiid vuordámušaid birra ja makkár hástalusaide suohkan ferte plánet. Suohkana plánastrategiija bargu álggii 2023:s máhttovuođu ráhkademiin, mii gárvistuvvui 2024 borgemánuš.

Suohkanin mii fertet nai heivehit plánema organisašuvnna ovddeš plánen, resursa ja doaibmannávcçaid ektui. Leat márja siva dasa manin ovddit plánastrategiija plánabarggut eai leat visot čađahuvvon. Vuosttažettiin ja ovddemusat lea sáhka resursagažaldagas. Ii soaitte leat doarvái bargoveahka nagodit dahkat buot bargguid mat leat biddjon organisašuvdnii, dahje eai soaitte várren doarvái ekonomalaš gaskaomiid plánabarggu čađaheapmái. Danin lea hui mávssolaš ahte suohkanlaš plánastrategiija lea realisttalaš dan ektui maid nagoda čađahit. Stuora ángirvuhta lea ortnegis, muhto ii ábut vajálduhttit áiggi ja resurssaid maid beaivválaš barggut gáibidit.

Plána- ja huksenláhka addá suohkaniidda heivehanmuni heivehit plánema dárbbuide. Ráđđehusa mielas lea dehálaš geavahit dán doaibmanmuni láhčit dili sávahahhti ovdáneapmái, seammás go plánen ii galgga dahkkot viidábun go dan mii lea dárbbashaš.

Mielváikkuheapmi plánastrategijai vuhtiiváldojuvvo almmolaš geahčadeamis ovdal mearrásusa. Maiddái ipmárdusa bokte man Guovdageainnu suohkan lea ožon viiddis mielváikkuhanproseassa bokte ođđa servodatoasi oktavuođas. Plána- ja huksenlága gáibádus viežat oainnuid stáhtalaš ja regionála eiseválddiin ja ránnjásuohkaniin ollašuvvá.

2. Nationála ja regionála láidestusat

Suohkan galgá iežas plánain vuhtiiváldit sihke suohkanlaš, regionála ja nationála mihtuid, beroštumiid ja bargguid. Plánastrategija galgá danin bidjet vuodđun sihke nationála ja dehálaš regionála láidestusaid.

2.1 Nationála vuordámušat suohkanlaš ja regionála plánemii

Plána- ja huksenláhka lea márssoleamos stivrendokumeanta suohkanlaš plánemii. Láhka nanne § 6-1:s ahte stáhta galgá doaimmahit vuordámušaid regionála ja suohkanlaš plánemii juohke njealját jagi.

Ráđđehusa Nationála vuordámušain regionála ja suohkanlaš plánemii 2023-2027 vurdojuvvo ahte fylkkasuohkanat ja suohkanat bidjet bisteavašvuodđamihtuid, nationála dálkkádat- ja birasmihtuid ja báikkálaš álbmotstivrema vuodđun servodat- ja areálaplánemii, ja láhčet dili oadjebas, bisteavaš ja ealli báikegottiide miehta riikkas.

Nationála vuordámušat leat huksejuvvon viđa fáddái:

- ovttastahttin ja ovttasbargu plánemis
- oadjebas ja searvadahti báikegottit
- buresbirgejupmi ja árvoháhkan bisteavašvuodđain
- dálkkádat, luondu ja biras boahtteágái
- servodatsihkarvuohta ja gearggusvuohta

Ráđđehus oaivvilda ahte ođastuvvon plánat dárbašuvvojvit vai oažju bisteavaš servodat- ja areálaovdáneami ja vai sáhttá čađahit báikkálaš, regionála ja nationála politihka. Vurdojuvvo ahte dárbbut mat čuvvot servodatlaš, demografalaš, politihkalaš ja luondduviđa dilálašvuodđaid rievdamiid geažil, čuvvojuvvojvit.

Beaktulis ja searvadahti plánaproseassat ja digitaliseren mii rahpá ođđa vugiid ovttasdoaibmat, lea vuordámuš. Plánaproseassat galget leat rahpasat ja galgá sáhttit dárkilastit daid ja buot berostumiid galgá leat vejolaš gullat.

Vurdojuvvo ahte servodat- ja areálaplánen lea huksejuvvon ođasmahton ja borí máttovuđđui vai láhčá vuodu duohta strategalaš ságaškuššamiidda, berošteaddječielggademiide ja buriid čovdosiidda.

Buorre ovttastahttin eiseválddiid gaskkas vai oažun ovdan beroštumiid nu árrat ja čielgasit go vejolaš lea márssolaš.

Vurdojuvvo ahte fylkkasuohkanat ja suohkanat čuovvolit dáid fáttáid regionála ja suohkanlaš plánema bokte:

Oadjebas ja searvadahti báikegottit

- Ealli gávpogat, čoahkkebáikkit ja gilit

- Doarvái ja mánggalágan viesut
- Buorit fysalaš rámmat árgabeaivve eallimii
- Luondu- ja kulturbiras resursan
- Buoret birgenlháki ja álbmotdearvvašvuohat
- Iešguđetlágan deaivvadanbáikkat ja fálaldagat

Čalgu ja árvoháhkan bistevašvuodas

- Láhčit dili ruoná industrijaealáhusaide
- Gávdnamis gelbbolašvuohat, bargofápmu ja buorit bálvalusat
- Buorre infrastruktuvra vuodđun árvoháhkamii
- Láhčin luondu- ja kulturvuđot ealáhusaide
- Árvoháhkan sirkulára ekonomiijas

Dálkkádat, luondu ja biras boahtteágái

- Ollislaš plánen vai joská dálkkádat- ja birasmíhtuid
- Eastadit dálkkádatgássaluotimiid ja sihkarastit vejolašvuoda čohkhet karbona
- Bisuhit luonduvalljivuoda, olgoeallinberoštumiid ja kulturbirrasa
- Ráinnas ja valljit/ollou čázit ja čázádagat

Servodatsihkarvuohat ja gearggusvuohat

- Luonduvárat ja dálkkádatheiveheapmi
- Suodjalusa areáladárbbut
- Gilvojuvvon eatnamiid suddjen
- Ráinnas ja oadjebas juhkančáhci
- Riska- ja raššivuodaanalysat vuodđun buoret plánaide

2.2 ONa bistevašvuodamihtut

ONa miellahtoriikkat leat mearridan 17 mihtu olahit bistevašvuoda ovdáneami. Dát lea máilmimi oktasaš bargoplána jávkadit geafivuoda, vuostaldit iešguđetláganvuodaid ja bissehit dálkkádatrievdamiid ovdal 2030. Ráđđehus lea mearridan ahte ON 17 bistevašvuodamihtu galget politihkalaš váldogeaidnun dustet min áiggi stuorámus hástalusaid, maiddái Norggas.

Regionála ja suohkanlaš plánema nationála láidestusaid bokte, leat čielga vuordámušat ahte suohkanlaš suorgi bidjá ONa bistevašvuodamihtuid vuodđun servodat- ja areálaplánemis.

Bistevašvuodamihtut speadjalastet bistevašvuoda ovdáneami golbma dimenšuvnna: dálkkádat ja biras, ekonomiija ja sosiála dilálašvuodat. Dáid dimenšuvnnaid gaskasaš oktavuohat mearrida leago juogas bistevašvuohat. Mihtut galget čájehit geainnu oanehit ja guhkitágge bistevaš ovdáneami guvlui.

Guovdageainnoservodaga bistevašvuoda ovdáneapmi gáibida guhkesáiggi ja ovttastahtton áŋgiruššama suohkanis ja báikegotti oasálaččain. Suohkanstivra, suohkanplána servodatosiin, čujuha geainnu ja mihtuid ovdánahttít Guovdageainnu sosiála, ekonomalaš ja biraslaš bistevašvuodain.

Guovdageainnu suohkan lea ráhkadan máhttovuođu, mii lea huksejuvvon sosiála-, dálkkádat- ja biraslaš-, ja ekonomalaš bisteavašvuoda fáttáide.

Sosiála bisteavašvuoda lea sáhka sihkarastit buot olbmot ožot buori ja vuoiggalaš vuodú dohkálaš eallimii. Mii galgat sihkarastit buori eallinkvalitehta, sidjiide geat dál ellet ja boahttevaš buolvvaide.

Dálkkáda – ja biraslaš bisteavašvuoda lea sáhka ah te boahttevaš buolvvat besset badjelasváldit luondu unnimusat seamma buori dilis go dalle go mii váldiimet dan badjelasas, ja ah te olmmošlaš ovdáneapmi dáhpáhuvvá luondu gierdanrájiid siskkobealde. Mii fertet dahkat diđolaš ja jierpmálaš válljemiid go lea sáhka min ráddjejuvvon resurssaid geavaheamis.

Ekonomalaš bisteavašvuoda lea sáhka ah te mii fertet sihkarastit ekonomalaš oadjebasvuođa olbmuide ja servodagaide. Hástalus lea dahkat ekonomiija bisteavažan, nugohčoduvvon ruoná ovdáneapmin, vai sihkarastá sihke olbmuid dárbbuid, ja bissu luondu gierdannávciaid siskkobealde. Boahtteáiggis mii oaidnit stuorát gaskka gaskal ássiid dárbbuid čálgbálvalusaide ja čálgoservodaga návciaid fállat dáid bálvalusaid.

Máhttovuođu barggus mii leat geahčadan ceavzilvuođamihtomeriid báikkálaš oktavuođas, ja árvvoštallan daid hástalusaid ja vejolašvuodaaid vuostá mat Guovdageainnoservodagas leat.

Buot 17 bisteavašvuoda mihi tu leat vuodđun plánemii, go mihtut leat sorjevaččat nubbi nubbái. Guovdageainnu suohkana hástalusgova vuodul dá biddjo earenoamáš fokus dáid mihtuide:



2.3 Regionála ládestusat

Guovdageainnu suohkan áigu vuhtiiváldit [regionála plánaid](#) boahtte njealji jagi plánemis.

Finnmárku fylkkagieldda regionála plánastrategiija 2024-2028 lea "Finnmárku Ovdánahttinplána". Ovdánahttinplánii leat válljejuvvon vihtta ángiruššansuorggi:


- Arealáovddideapmi
- Energijjalágideapmi
- Oahppu ja dutkan ja ovdáneapmi
- Olbmot
- Viidáset ovdánahttit siviila ja militeara ovttasbarggu

3. Guovdageainnu suohkana plánavuogádat

Buorre jođiheapmi ja buorit plána- ja stivrenproseassat leat eaktun nu ahte Guovdageainnu suohkan sáhttá áimmahuššat iežas ođđa doaimma leat bálvalusfállin, servodatovddideaddjin ja demokráhtalaš báikin.

Ođđa suohkanláhka gáibida lagat čanastaga gaskal plánavuogádaga ja ekonomijastivrema, vai oažu eambbo mearrediđolaš ja realisttalaš stivrema. Mihtuid čuovvoleapmi gáibida lagat, viidát ja eanet geatnegahti ovttasbarggu organisašuvnna rájáid rastá.

Plánemis lea sáhka sirdit máhtus daguide. Suohkana plánavuogádat galgá leat reaidun sirdit máhtus daguide. Suohkanplána servodatoassi galgá leat vuodđun buot suohkana plánemii ja viidáset ovdánahttimii organisašuvdnan, ja dasto sihkarastá ahte bisteavašvuodđamihtut ovtaiduhhtoit suohkana plána- ja stivrenvuogádahkii. Suohkana plánavuogádaga čatnosat galget deattuhuvvot eanet go ovdal. Galgá šaddat čielgaseabbo oktiičatnan gaskal bisteavašvuodđamihtuid, suohkanplána areálaosi, čuovvoleaddji fáddá- ja suohkanoasseplánaid, doaibma- ja ekonomiija jahkásáš ođasteami ja surgiid doaibmaplánaid



Guovdageainnu suohkan áigu dohkkehít ođđa suohkanplána servodatoasi 2025 njukčamánus, ođđa mihttostruktuvrrain. Buot ođđa plánat ja strategijat galget čájehít makkár servodatmihtuid dat veahkehít ollašuhttit.

Guovdageaidnu suohkanis lea doaibma- ja ekonomijaplána suohkanplána doaibmaoassi, njealji jagáš ekonomijaplánain ja jahkebušeahatin. Doaibmaoassi čilge mot suohkanplána galgá čuovvolit boahtte njealji jagis, ja dat ođastuvvo jahkásáččat. Dat lea vuodđun suohkana resurssaid, plánema ja bargguid vuoruheapmái, ja konkretisere doaibmabijuid suohkana ekonomalaš rámmaid siskkobealde. Dat galgá

čájehit mot servodatmihtut gullevaš mihtuiguin ja strategijiaiguin čuovvoluvvojit ekonomalaš vuoruhemiid bokte.

Suohkana plánastrategijat boahttevaš suohkanstivraágodagaide čilgejit lagabui mot servodatmihtuid galgá čuovvolit ja konkretiserejuvvojit fáddaplánaiguin ja suohkanoasseplánaiguin.

Plánastrategija váikkuhus lea ahte ii galgga ráhkadir eambbo plánaid go dárbašlaččat, ja plánat maid evttöhit, leat veahkkin nanneme fágaidgaskasaš ovttasbarggu ja ángiruššama, ja das lea čielga čanastat suohkana doaibma- ja ekonomijiplánii

Álkidahttin dihte plánavaugádaga ja earuhit jurdihkalaš čadni plánaid ja ii čadni, de Guovdageainnu suohkan áigu geavahit suohkanoasseplána plánašlája areálaplánaide, ja fáddaplána plánašlája buot eará plánaide mat čatnasit suohkanplána servodatoassái

3.1 Suohkanplána

Suohkanplána lea suohkana bajtdási plána ja suohkanstivrra mágssoleamos stivrendokumeanta. Buot suohkaniin galgá leat suohkanplána, servodatosiin ja areálaoisiin. Servodatoasi ja areálaoasi sáhttá ráhkadir ovttas, dahje goappáge sierra.

Suohkanplána servodatoassi lea dehálaš ovttaskas suorggi hástalusaid ja vuoruhemiid ovttastahttimii ja suohkana ollislaš ovdáneapmái. Láhka gáibida ahte Suohkanplána servodatoassi galgá leat vuodđun suohkana surgiid plánaide ja doibmii. Servodatoasis leat mearriduvvon mihtut ja strategijat mat galget vuodđun plánaide mat mearriduvvojit, sihke iešguđet sektorsurrgiin, areálaoasis ja suohkana ekonomijiplánemis.

Guhkesáiggi areálastrategiija, mii lea oassin suohkanplána servodatoasis, ja mii biddjo vuodđun suohkanplána areálaoassái.

Areálaoassi galgá čájehit oktavuođa gaskal boahttevaš servodatovdáneami ja areálageavaheami. Dat galgá čájehit areálageavaheami váldodovdomearkkaid ja rámmaid ja eavttuid makkár doaibmabijuid ja odđa areálageavaheami sáhttá álggahit. Areálaoassi galgá maiddái čájehit makkár beroštumiid ferte vuhtiiváldit areálaid geavaheamis.

3.2 Suohkanoasseplána ja muddenplánat

Suohkanasseplána lea plánašlädja Plána- ja huksenlága vuodđul ja das leat seamma proseassagáibádus plána ráhkadeamis go suohkanplána lea. Suohkanoasseplána čuovvola earenoamážit suohkanoasseplána fáttaid dahje doaibmasurrgiid, ja das galgá leat doaibmaoassi mii čájeha mot plána galgá čuovvoluvvot boahtte njealji jagis dahje eanet go njeallje lagi. Doaibmaoassi galgá ođastuvvot jahkásacčat.

Muddenplána čilge areálaid ja fysalaš birrasiid geavaheami, suodjaleami ja hábmema. Das lea bienalaš areálaplánakárta oktan gullevaš plánamearrádusaiguin ja plánačilgehusain.

3.3 Fáddaplána

Fáddaplána lea strategalaš plána mii čuovvola suohkanplána ulbmiliid dárkileappot fáttá, suorggi dahje fágasuorggi siskkobealde. Das eai leat lága bokte mearriduvvon seamma gáibádusat prosessii go suohkanoasseplána ja sáhttá danne čuovvut eará ja ulbmileabbo proseassa go mii mihttomearri lea plánain. Oassálastima galgá sihkkarastit seamma ollu go suohkanplána ja suohkanoasseplána.

Fáttáplánas leat miittomearit, strategijat ja doaibmabijut, ja das sáhttet leat ángiruššansuorggit. Muhtun fáddáplánat leat suorgerasttideaddji ja addet ládestusaid olles organisašuvdnii, eará fáttáplánat gustoit ovta sektorii dahje fágasuorgái. Ovttaskas fáddáplána oðasteami árvvoštallo plánastrategiija oktavuoðas juohke njealját lagi.

Fáddáplánaide galgá ráhkaduvvot álggahančálus mearriduvvon málle mielde, mii meannuduvvo guoskevaš váladolávdegottiin ja ovdagottis plánalávdegoddin. Dát lea danne vai plánabarggus sihkkarastá politihkalaš čanastumi, ja vai buot plánaproseassat čaðahuvvovit vuogádatlačcat barggadettiin máhttovuoðuin ja mielváikkuheami bokte.

3.4 Bušeahutta ja doaibmaoassi ekonomijaplánain (DEP)

Buot suohkanat leat geatnegahton ráhkadir ekonomijaplána mii galgá siskildit buot suohkana doaimmaid ja dat galgá addit realisttalaš bajilgova vejolaš dietnasiin, vurdojuvvon goluin ja vuoruhuvvont bargguin áigodagas. Ekonomijaplána galgá oðastuvvot jahkásaččat ja siskildit unnimusat njeallje boahtte bušeahttajagi.

Guovdageainnu suohkanis sajáiduhtto ekonomijaplána ovttas jahkebušeahtain doaibmaprógrámmii. Jahkebušeahhta lea geatnegahti go suohkanstivra dan lea dohkkehan. Doaibmapgorámma sisdoallá rámmmaid, mihtuid ja plánejuvvon doaimmaid boahtte njealji lagi áigodahkii.

3.5 Doaibmaplána

Buot sektorat (ja doaimmat) galget jahkásaččat ráhkadir doaibmaplána iežaset doibmii, man suohkandirektevra dohkkeha. Doaibmaplána lea hálldahuslaš reaidu mii galgá sihkkarastit čanastaga organisašuvnna miittomeriid, doaibmabijuid ja bohtosiid gaskka, ja dainna čuovvola politihkalaš mearradusaid, lágaid ja lähkaásahusaid. Sektorat galget suohkanplána, fáddáplánaid ja doaibmaprógrámma miittomeriid, strategijaid ja bargguid čuovvolit ja operarationaliseret doaibmaplánaid bokte.

3.6 Strategijat

Strategija lea råvvejeaddji stivrendokumeanta mii gusto ovta dahje mánjga bálvalussuorgái. Strategijadokumeantat eai leat oassin plánavuogádagas, muhto leat oassin suohkana stivrenvuogádagas. Guovdageainnu suohkanis leat mánga strategijadokumeantta iešguđet surgiide, ovdamearkka dihte gáiddusoahpahusstrategiija ja digitaliserenstrategiija, mátkemearrestrategiija ja báikkálašdemokratija ovddideapmái ollislaš plána ja gulahalanstrategiija báikkálašdemokráhtalaš áššiide.

Mánga strátegija meannuduvvojtit politihkalaččat, muhto daidda eai leat seamma gáibádusat áššemeannudeapmái ja mielváikkuheapmái ja oassálastimii go fáddáplánain. Strategijat eai boade oidsii plánastrategijas. Lea goittotge veara deattuhit ahte strategijat ráhkaduvvojtit oassin suohkana systemáhtalaš barggus ja daid ráhkadeapmi boahtá gáibidit resurssaid.

3.7 Doahpagat ja sátnelistu

Plánavuogádat sistisdoallá ja namuha iešguđet aktevrraid suohkanis, sihke teavsttas, miittomeriin ja strategijain. Doahpagat mat adnojut leat:

- Guovdageainnoservodat – buot ássit ja aktevrrat geat doibmet Guovdageainnu suohkana geográfalaš rájiid siskkobealde
- Guovdageaidnu – sikkilda guovlluid suohkana geográfalaš rájiid siskkobealde, maiddái Máze ja eará giliid
- Guovdageaidnu márkan – čoahkkebáiki Guovdageaidnu -
- Guovdageainnu suohkan – organisašuvdna Guovdageainnu suohkan

Go lea dárbu oðastit dálá plánaid, de adnojit doahpagat molsut dahje oðastit plána. Erohusat sáhttá dábálaččat ná defineret:

- Molsut: Plána oðasmahttin dálá máhtu ektui ja lasiheapmi dálá rámmaid siskkobealde.
- Oðasteapmi: Geahčadit buot plána/osiid plánas, maiddái mihttomeriid ja vuoruhemiiid.

| | |
|------------------------------------|-------------------------------------|
| Dárogiella | Sámegiella |
| Planstrategi | Plánastrategiija |
| Planprogram | Plánaprográmma |
| Kommuneplan | Suohkanplána |
| Kommuneplanens samfunnsdel | Suohkanplána servodataassi |
| Kommuneplanens arealdel | Suohkanplána areálaoassi |
| Kommunedelplaner | Suohkanoasseplánat |
| Temaplaner | Temáplánat |
| Handlingsdel med økonomiplan (HØP) | Doaibmaoassi ekonomijaplánain (DEP) |
| Virksomhetsplaner | Doaibmaplánat |

4. Hástalusgovva ja plánadárbu


Máhttovuođu hástalusgovva čoahkkágessó dán kápihtalis. Ollislaš máhttovuođdu lea mielddusin dán plánastrategijii.

Guovdageainnoservodaga hástalusat leat bisteavašvuodamihtuin juohkásáš golmma dimenšuvdnii, máhttovuođu dáfus: sosiála bisteavašvuhta, dálkkádat ja biraslaš bisteavašvuhta ja ekonomalaš bisteavašvuhta. Deattuhuvvo ahte ii oktage bisteavašvuđa dimenšuvnnain leat okto, muhto leat čadnon nubbi nubbái. Bisteavašvuodamihtuid bargu ovttá dimenšuvnnas boahtá váikkuhit eará dimenšuvnnaid bisteavašvuodamihtuide.

Hástalusgova vuodul lea árvvoštallojuvvon makkár plánaid Guovdageainnu suohkan dárbbaša. Árvvoštallamat dahkojut maiddái ovddit plánastrategijja vuodul. Álggos árvvoštallojuvvvo dárbu molsut suohkanplána, čuoggás 4.1 ollislaš servodatovdáneapmi.

4.1 Ollislaš servodatovdáneapmi

Guovdageainnus lea olmmošloku ollu unnon jagi 2000 rájes, ja vurdojuvvo ain unnut ovddasguvlui. Vurdojuvvo mánáid ja nuoraid lohku unnu, ja fidnodataktiivvalaš olbmuid oasi lohku nai dahká dan. Vuorrasiid lohku boahtá lassánit. Fidnoaktiivvalaš olbmuid oasi unnum, ja vuorrasiidolbmuid lassáneapmi, boahtá unndit servodaga ahkeguoddinnávcca. Dát šaddá boahtteáiggi hástalus suohkanekonomiija ja bálvalusfálaldagaid dáfus.



| | |
|-----------------------------|------------------------|
| Folketallet 1. kvartal 2024 | 2848 innbyggere |
| Forventet folketall i 2034 | 2687 innbyggere |
| Forventet folketall i 2044 | 2584 innbyggere |
| Forventet nedgang 2024-2044 | 9,3 prosent |

Gáldu: SGD tabealla 13600 -
váldomolssaeaktu

Ollu nuorat fárrejit oahpu ja barggu ohcat eará báikiin, ja dat dagaha ain stuorát hástalusaid olmmošlogu unnuma oktavuođas. Unnit bargit mearkkašit rahčamuša rívttes ja doarvái gelbbolašvuđa alde. Kvalitehta bálvalusain maid suohkan fállá buot agi ássiide lea bálvalusaid gelbbolašvuđa- ja máhttodási hálddus. Buot oasit suohkanis vásihit dál juo lea hástalus rekrutteret rívttes gelbbolašvuđa.

Unnit ássit buktet nai unnit dietnasiid suohkanii. Go gilvu lassána bargofámu alde, de dat dagaha hástalusaid fágaolbmuid oažžumis, mat fas addet divraset bálvalusaid ja oanehis áiggi čovdosiid. Demografalaš rievdamat addet suohkanii stuorát bálvalusdárbbu dearvvašvuđa- ja fuolahusbálvalusaide ja unnit bálvalusdárbbu mánáidgárddiin ja skuvllain. Dássádatmuddu šaddá sirdit resurssaid dan ássijovkui mii lassána eanemusat, ja seammás nu ahte dat ii čuoza eará ássijoavkkuide. Guovdduštantranda čuohcá maiddái sámi kultuvrii ja gillii.

Suohkanplána servodatoassi

Álggahuvvui bargu ollásit ođastit suohkanplána servodatoasi 2023:s. Ođđa servodatoassi dohkkehuvvo 2025 njukčamánus. Plánaprográmmas mii lea dohkkehuvvon ođđa servodatoasi bargui, boahtá ovdan ahte ulbmil plánabargguin lea ođasit suohkanoasi servodatoasi vai šaddá heivvoláš reaidun suohkanii. Ođasteamis galgá maiddái deattuhit mot suohkan galgá váikkuhit ollašuhttime ONa bistevašvuodamihtuid. Guovdageainnu suohkan galgá sihkkarastit buori oktavuođa gaskal suohkanplána servodatoasi ja areálaoasi go servodatoasis lea areálastrategijja.

Guovdageainnus, seammaláđje go eará boaittobeale suohkaniin, leat stuora demográfalaš rievdadusat boahtime, ja lea dárbu bargat juoidá vai sihkkarastá ahte Guovdageainnu suohkanis boahtteáiggis leat bistevaš báikegottit. Guovdageainnu suohkana hástalusgovva čujuha stuora rievdadusaide demografiija ja rievdan bálvalusdárbbuid, dálkkádat ja ealáhusstruktuurvra surgiin.

Guovdageainnu suohkanis leat boahtteáiggis máŋggalágan servodathástalusat. Seammás váilot resurssat. Jus galgat addit rievttes bálvalusaid daid rámmaid siskkobealde mat suohkanis leat maiddái boahtteáiggis, de fertet mii rievadit ja nuppástuhttit suohkana bálvalusfálaldagaid. Mii fertet vuoruhit makkár bargguid mii galgat čoavdit. Eambbo ollislaš lahkoneapmi, ovttasbargu sektoriad ja fágasurggiid rastá, ja ovttasbargu suohkanservodagain, eaktodáhtolašvuodain, organisašuvnnaigun ja ealáhusáigun šaddá dehálaš. Dasa lassin fertet bargat mearrediđolačcat bálvalusaid ovddidemiin.

Suohkanstivra lea 2024 golggotmánus dohkkehan golbma ángiruššansuorggi main leat servodatmihtut suohkanplána servodatoassái mat gustojit 2025 – 2037 áigodahkii.

Ángiruššansuorggit deattuhit
Guovdageainnu dorvvoláš, rabas ja fátmmasteaddji servodahkan, gos mii fuolahit luonduu sámi árvvuid ja árbvieruid geavahemiin. Dán vuoden mii áigut láhčit dili ovdánanfápmai ja ahtanuššamii. Guovdageaidnu galgá leat servodat gos sáhttít eallit.

Ođđa suohkanplána servodatoasis láhčojuvvo nu ahte álbmotdearvvašvuohta, bistevašvuohta ja ovttasráhkadeapmi čađat lea fáddán Guovdageainnu suohkana plánabarggus.

Álbmotdearvvašvuohta lea móvssolaš daningo buori servodaga dovdomearkan lea ahte olbmuin geat orrot dáppa lea buorre dilli. Buori álbmotdearvvašvuohda láhčin mielldisbuktá ahte Guovdageainnu suohkan áigu hukset servodaga mii ovddida dearvvašvuohda ja loaktima buot osiide álbmogis, ja dát lea perspektiiva mii mis lea mielde buot servodatsurggiin.

Bistevašvuohta lea viiddis doaba ja mii lea guovddážis suohkana plánemis. Dat lea móvssolaš danin go mii fertet sihkkarastit dakkár ovdáneami mii duste min dálá dárbbuid, almmá bilideames boahtteáš buolvvaide.



It goassege okto
Aldri alene



Birgejupmi buolvvas bulvii
Birgejupmi gjennom generasjoner



Nana vuoden boahtteáigái
Utviklingskraft for framtida

Ovttasráhkadeapmi gaskal suohkana, ássiid, ealáhusaid, almmolaš aktevrraid, akademijja ja eaktodáhtolašvuoda lea čoavdda min báikegotti ovdáneapmái. Buorre ovttasbargu ja ovttas ráhkadeapmi mas buohkat servet iežaset resurssaguin galgá váikkuhit dasa ahte Guovdageaidnu šaddá eallinnávccalaš, geasuheaddji ja hutkás suohkanin.

Suohkanplána areálaoassi

Guovdageainnu suohkanis lea suohkanplána areálaoassi 2017 rájes. Suohkanplána areálaoassi dohkkehuvvui 2017:s, ja bidjá láidestusaid dasa mot suohkana areálaid galgá geavahit plánaágodagas lagi 2030 rádjái. Gávdnojit guokte suohkanoasseplána mat. Gávdnojit guokte suohkanoasseplána mat dievasmahttet suohkanplána areálaoasi. Dát lea Márkana suohkanoasseplána, mii dohkkehuvvui 2017:s, ja Máze suohkanoasseplána, mii dohkkehuvvui 1997:s.

Suohkanplána areálaoasi ii leat dárbu ođastit, daningo gávdnojit suohkanoasseplánat Márkanii ja Mázii. Suohkanplána areálaoassi lea várren areálaid viesuid várás eanas smávvagilážiin, iige leat registrerejuvvon dárbu várret vel eanet areálaid viesuide.

Konklušuvdna

- Suohkanplána servodataassi lea ođastuvvome ja dohkkehuvvo 2025:s.
- Suohkanplána areálaoassi jotkojuvvo

[**4.2 Sámegiella**](#)

Hástalusgovva

Guovdageainnu suohkan lea oassin sámegielaid hálddašanguovllus. Sámelága § 3-13 mielde galgá suohkan ságaskuššat sámegiela hástalusaid suohkana plánastrategijas. Suohkan galgá mearridit bajtdási mihtuid nannen dihte sámegiela suohkanis fáttálaš suohkanoasseplánan dahje suohkanplána servodataassái.

Suohkanis lea dehálaš doaibma barggus geavahit ja nannet sámegielaid. Dain suohkaniin mat leat mielde sámegielaid hálddašanguovllus, lea earenoamáš ovddasvástádus fállat dieđuid ja bálvalusaid sámi álbmogii. Sámegiela ja sámi kultuvrra gelbbolašvuodahuksen lea dehálaš vai suohkanat galget sáhttit fállat buriid bálvalusaid sámi álbmogii.

Sámi giella ja kultuvra lea servodatguoddin Guovdageainnus, mii lea okta dain hárvenaš suohkaniin Norggas gos sámegiella lea servodatguoddi giella. Bistevaš báikegottit Guovdageainnus mearkkašit ollu sámi kultuvrra, giella ja servodateallima bisuheapmái. Dat ahte unnit olbmot válljejit ásaiduvvat Guovdageidnui, mii lea okta dan guovtti suohkanis gos sámegiella lea eanetlohkogiella, sáhttá leat áittan sámegiela boahtteáigái.

Ekonomalaš dutkanguovddáš NTNU lea SG/KS ovddas guorahallan leat go sámi hálddašansuohkaniin lassigolut doalahit guovttagielalašvuoda ja sámi oahpahusa dan rolla ja láhkagáibádusaid boađusin go sii leat sámegiel hálddašansuohkanin. Raporta čájeha ahte hálddašansuohkaniin leat stuorát golut vuodđoskuillas ja hálddahusas go buohtastahtá eará suohkaniiguin. Bohtosiid dorjot jearahallaniskkadeapmi gávdnosat, gos suohkansuorggi informánttat dieđihit mearkkašahtti lassigoluid vuodđoskuillas ja hálddahusas giellahálddašanovddasvástádusa geažil. Almmolaš

dokumeanttaid jorgaleapmi ja oktavuođaváldimiid gieđahallan sámegillii identifiserejuvvojit earenoamáš gollun.

Oahppit suohkanis, mii lea sámi giellaovddidansuohkan, leat skuvlabirrasis gos measta buot oahpahus dáhpáhuvvá sámegillii ja gos lea sámi gullevaš oahpahuskonteksta. Oahppit ožot oahpahusa iežaset eatnigillii ja sámi oahppoplána mielde, mii lea heivehuvvon min kultuvrii ja árvvuide. Nuppe dáfus lea hástaleaddji dilli oahpponeavvuid dáfus mat gávdnojít sámegillii, ja sáhttá leat váttis gávdnat oahppan oahpaheddjiid geain lea gelbbolašvuhta sámegielas. Dat sáhttá fas čuohcat oahpahusa kvalitehtii, ja buktit stuorát bargodeattu oahpaheddjiide geat leat olámuttos ja hástalusaid addit doarvái earenoamášoahpahusa dahje doarjaga ohppiide geain leat earenoamáš dárbbut.

Vai sáhttít čoavdit hástalusa, de mii fertet dahkat čuovvovaččaid:

Servodatoasis mearriduvvojit bajtdási mihttomearit ja strategijat sámegiela várás. Guovdageainnu suohkanii giellaovddidasuohkanin ja gos sámegiella lea servodatguoddi giellan, rávvejuvvo ahte sámegiella lea čađamanni fáddá suohkana plánabuktosis dan sadjái go ráhkadit sierra plána sámegiela várás. Čađamanni fáddá mielddisbuktá ahte dan galgá árvvoštallat buot plánain, ja sámegiela mihttomeriid ja strategijaid čadnon mihtilmas suorgái/bálvalussuorgái/ Čađamannii fáddá mearkkaša ahte dat galgá árvvoštallojuvvet buot plánain, ja mihttomearit ja strategijat sámegiela várás mat gullet dihto suorgái/bálvalussuorgái/fáddái galget leat mielde plánain.

Konklušuvdna:

- Bajtdási mihttomearit nannet sámegiela suohkanis dahkojít suohkanplána servodatoasis.

4.3 Sosiála bisteavašvuhta

Hástalusgovva

Mánáid ja nuoraid bajásšaddaneavttut

Guovdageainnoservodagas leat hástalusat mánáid ja nuoraid bajásšaddaneavttuid dáfus. Mis leat guhkit áigge leamašan hástalusat dan geažil go lea alla bargguhisvuhta, mánát báikedoaluin main lea bissovaččat vuollevis dienas, ja go orrot gárzásis. Dát lea dilálašvuodat mat váikkuhit mánáid bajásšaddaneavttuide ja lasihit riskka olggobealevuhtii.

Psyhkalaš dearvvašvuodáttisvuodat lea lassáneaddji vuorjašupmi, earenoamážit nuoraid gaskkas. Jagi 2024 Ungdata iskkadeapmi čájeha negatiiva trenda mii lea čadnon iešdieđiheapmáí dearvvašvuoda- ja psyhkalaš dearvvašvuodáttisvuodaid birra. Proseantaoassi nuorain geat leat duhtavaččat báikkálaš birrasiin lea njiedjan maŋemus jagiid, ja leat unnit duhtavaččat go nuorat olles riikkas. Iskkadeapmi čájeha maiddá negatiiva treandda gárrenmirkkuid dáfus.

Ungdata 2024 čájeha ahte nuoraidskuvlaoahppit Guovdageainnu suohkanis leat unnit duhtavaččat skuvllain gos vázzet go muđui riikkas, ja ollu eambbogat lobiheamet jávket skuvllas ja golahit ollu unnit áiggi leavssuide ja skuvlabargguide go muđui riikkas.

Mánáidloku njiedjá boahttevaš jagiid, ja das leat váikkuhusat sisabođuide. Dát mearkkaša ahte Guovdageainnu fuolahuusuorgi boahtá leat joatkevaš nuppástuhettimis boahttevaš jagiid.

Álbmotdearvvašvuohta ja eallinhálldašeapmi

Guovdageainnu suohkanis lea álbmotdearvvašvuodabajilgovva 2019 rájes. Dat ii leat ođastuvvon ovdal barggu dánna plánastrategijain. Álbmotdearvvašvuoda hástalusat leat dattetge namuhuvvon máhttovuođus.

Guovdageainnoservodagas leat duođalaš álbmotdearvvašvuoda hástalusat. Earret eará buidodat, sohkardávda, váibmo- ja morčedávddat, deahkke- ja dákteriggegivssit, alla varradeaddu, ja psyhkalaš dearvvašvuodagivssit. Oassi dain leat eallinvuohkedávddat mat dávjá čuvvot fysalaš doaimmahisvuoda, borgguheami ja eahpedearvvaslaš borramuša. Deaddu sámi eallinvuogi vuostá, sámevašši ja vealaheapmi guhkit áiggi badjel buktá maiddái dearvvašvuodavákkuhusaid.

Guovdageainnoservodagas leat hástalusat veahkaválldi ja illastemiid geažil. Guorahallamat čájehit ahte sámi servodagat vásihit eanet veahkaválldi ja vearredaguid ja illastemiid go ollu eará guovlluin Norggas. Dan oaidnit maiddái Guovdagainnus, earret eará váidojuvvon veahkaválldi ja illásteami loguid bokte. Ungdata 2024 iskkadapmi, joatkkaskuvlaohppiid gaskkas čájeha ahte Guovdageaidnu nuorat leat eanet gillán seksuála givssidemiid go riikka nuorat. Veahkaválldi ja illásteapmi čuohcá sihke ovttaskasolbmuide ja olles servodahkii. Dát leat kompleaksa váttisvuodat mat čuhcet mágga eallima beallái, earret eará fysalaš ja psyhkalaš dearvvašvuhtii, bearasstruktuvrraide ja báikkálaš birrasa dorvvolvašvuhtii.

Vuorrasiidfuolahus

Vuorrasiid lohku lassána ovddasguvlui. Logi jagi áigodagas duppalasto vuorrasiid lohku dain geat leat badjel 80 jagi (175 rájes 2022:s ja 364 olbmui 2035:s). Dát váikkuha dasa mot Guovdageainnu suohkan obbalaččat berre plánet servodatovdáneami, ja earenoamážit vuorrasiidfuolahusa dimenšonerema. Gáibiduvvo ángirušsan ovddidit Guovdageainnu šaddat ahkeustitlaš servodahkan.

Kultuvra

Guovdageainnus lea ealli kultureallin. Sámi kultuvra, identitehta ja eallinvuohki leat guovddážis servodagas ja sámevuohta lea suohkanii dehálaš geادجے‌جولگی. Guovdageainnu suohkan váldokulturguovddážin davvisámis ovdavázzisuohkanin sámi dáidaga ja kultuvrra ángiruššama hárrái.

Viessososiála bargu

Boahttevaš viessodárbbu ferte geahččat demográfalaš ovdáneami ektui. Guovdageainnus lea áiggi badjel leamašan hástaleaddji viessomárkan. Leat unnán viesut vuovdemassii ja leat unnán dahje eai obanassiige viesut láigomassi láigomárkanis. Dát lea Dát lea váikkuhan dasa ahte viessomárkanis leat divron hattit. Lea váttis beassat viessomárkanii sidjiide geain leat vuollegris dietnasat ja geain leat bistevaš ekonomalaš hástalusat.

Viessu lea vuodđodárbu ja viesu haga olbmuin ii leat vejolašvuohta ásaiduvvat, orrut suohkanis dahje fárret dohko. Eaiggáduššat iežas viesu addá ekonomalaš oadjebasvuoda, ekonomalaš oadjebasvuohta dávjá manná árbbis buolvvaid gaskkas. Dát sáhttá veahkehít eambbogiid beassamis eret geafivuođas ja gáržes orrundilis. Dat buktá nai stabilizehta ja buriid bajášsaddaneavttuid mánáide.

Suohkana demográfalaš ovdáneami vuodul lea earenoamáš hástaleaddji Guovdageainnu suohkana ássiide dábálaš báŋkuin oažžut loana hukset viesu dahje oastit viesu. Dán buhttemii

lea márssolaš ahte suohkan lasiha ja joatká ain válđime álggahanloana man viidásetlone suohkana ássiide. Ollugiidda álggahanloatna lea áidna vejolašvuohta iežas viesu ruhtadeapmái. Dát dakhá ahte viessomárkan lea juo measta oalát orustan ja seammás sáhttá dagahit stuorát eretfárrema.

Guovdageainnus lea eanas oassi viessohivvodagas sierraviesut, ja ásodagaid oassi lea vuollin. Dát dagaha unnán sirdašuvvama viessomárkánis. Boahtteuođas šaddá deatalaš jurddašallat mot suohkan sáhttá fárus lasiheame sirkulerema ja nu dáfus oažžut stuorát sirdašuvvama viessomárkanis, ja buoret láhčima lassáneaddji ahkejovkui mii lea badjel 67 jagi. Suohkan berre láhčit viessososiála reaidduguin nu ahte vuorasolbmot sáhttet heivehit iežaset viesuid vai sáhttet guhkit orrut ruovttuin.

Johtolatsihkarvuohta

Johtolatsihkarvuodaplána lea dehálaš stivren- ja bargodokumeanta visot suohkana johtolatsihkarvuodabargui. Suohkana bajtdási mihttu lea ahte johtolagas ii galgga oktage duššat dahje roasmahuvvat. Suohkanis lea earenoamáš fokus mánáide ja nuoraide, ja mánain ja nuorain galgá leat johtolatsihkkaris árgabeaivi ja nuorat galget oadjebas johtaleaddjit. Boahtteáiggis galgá Guovdageaidnu leat suohkan mii láhčá dili dasa ahte eambbogat lea vejolašvuohta válljet vázzit ja sykklastit.

Dán fertet bargat dusten dihte hástalusgova:

Álbmotdearvvašvuohta: Ođđa suohkanplána servodataasis láhčojuvvo nu ahte álbmotdearvvašvuohta lea čáđamanni fáddá Guovdageainnu suohkana plánauogádagas. Danin ii ordnejuvvo sierra álbmotdearvvašvuodaplána. Ođđa álbmotdearvvašvuoda bajilgovva ráhkaduvvo 2027:s, nu ahte dat lea sajis ovdalgo bargu boahtte plánastrategijain álggahuvvo.

Bajásšaddan: Buorit bajásšaddaneavttut dárbbasuvvojtit sosiála bisteavašvuodadimenšuvdnii ja vai Guovdageainnoservodat šaddá oadjebas, searvadahti ja mánggabealat. Guovdageainnu suohkanis lea bajásšaddanplána mii doaibmá 2025 rádjái. Dárbbasuvvo ollislaš geahčadeapmi Guovdageainnu bajásšaddansuorggis dusten dihte mánggabealat hástalusaid mat servodagas leat. Lea dárbbaslaš sihkkarastit buori kvalitehta bálvalusain ja dustet hástalusaid mat suohkanis leat mánáid ja nuoraid dáfus go guoská álbmotdearvvašvuhtii, áigeloaktimii ja olggobealevuhtii. Mánáidsuodjalusođastusas mii bođii 2022:s bođii láhkagáibádus ahte buot suohkaniin galgá gávdnot Eastadeaddji plána fuolahušváilái ja láhttenváttisuodáide. Ii góibiduvvo sierra plána. Danin lea ulbmilaš dan válđit fárrui suohkana ođđa bajásšaddanplána bargui.

Dearvvašvuohta- ja fuolahuš. Ollislaš dearvvašvuoda- ja fuolahušplána dárbbasuvvo. Dearvvašvuoda- ja fuolahušplána galgá leat bajtdásis, rávvemiiguin makkár fágaplánaid suohkan ferte vuoruhit oažžut sadjái. Guovdageainnu suohkanis lea odne plána borasuolahussii, mii doaibmá 2024 rádjái, ja demeansaplána mii doaibmá 2025 jagi lohppii, ja suohkan lea ovđđit plánastrategijas mearridan ahte suohkanis galgá leat habiliteren- ja veajuiduhttinplána. Dáid plánaid galgá árvvoštallat ja dat vej. Šaddet oassin fágaplánan ođđa dearvvašvuoda- ja fuolahušplánas.

Veahkaváldi lagas gaskavuođain: Veahkaváldeeastadeami doaibmaplána ii leat láhkageatnegahhton plána, muhto ollu suohkanat leat válljen dán barggu čatnat plánii. Guovdageainnu suohkanis lea doaibmaplána Oadjebas Guovdageainnus/ Trygg i Kautokeino mii doaimmai 2023 rádjái. Dát

ođastuvvo 2024:s. Dearvvašvuoda- ja fuolahusplána oktavuođas árvvoštallojuvvo galgá go fáddá leat oassin dearvvašvuoda- ja fuolahusplánas.

Gárrenmirkopolitihkalaš doaibmaplána: Guovdageainnu suohkana gárrenmirkopolitihkalaš doaibmaplána heittii doaibmamis 2020:s. Ráhkadit alkoholapolitihkalaš doaibmaplána lea láhkageatnegahhton bargu man berre meannudit juohke suohkanstivraágodagas. Rávvejuvvo dán geahččat oktavuođas gárrenmirkopolitihkalaš plánain, ja dan lea Guovdageainnu suohkan dahkan.

Ásodatsosiála doaibmaplána. 2022 suoidnemánu bođii ođđa ásodatsosiála láhka fápmui. Dat gáibida ahte suohkanis lea bajilgovva dárbbus sihke heivehuvvon ja dábalaš ásodagaide, vuodđun bargui suohkana plánastrategijain. Bajilgovva galgá vuodđun mihtuide ja strategijii dustet hástalusaid. Ođđa láhkaortnega mielde lea suohkanis áigemearri 2027 rádjái oažžut sadjái bajilgvoa barggu, ja ásodatpolitihkalaš barggu mihtuid ja strategijiaid. Suohkanstivra lea dohkkehan ásodatsosiála plána mii doaibmá 2025 rádjái. Ásodatsosiál bargu guoská buot surgiid fágasurggiide ja buot golmma bisteavašvuodádimenšuvnnaide, ja danin láhčojuvvo dilli nu ahte dát lea čađamanni fáddá olles plánnavuogádagas. Dát šaddá earenoamáš relevánta dearvvašvuoda- ja fuolahusplánii ja bajásšaddanplánii.

Falástallan ja kultuvra: Guovdageainnu suohkanis lea suohkanoasseplána falástallamii ja fysalaš aktiviteaide 2022-2026, man bajtdási mihttua lea sihkkarastit buot ássiide vejolašvuoda searvat falástallamii ja fysalaš aktivtehtaide ollislaš rusttethuksenaplána bokte ja falástallama ja olgunastima ja iešorganiserejuvvoon doaimmaid bokte. Falástallanrusttegiid, fysalaš doaimmaid ja olgonastineallima masa speallanruđat ohccojuvvojtit ruđat, galget leat mielde suohkanlaš plánas. Seammá guoská go ohcá doarjagiid kulturvissui.

Aktiivvalaš kultur- ja falástallaneallin lea dehálaš vai joksá sosiála dimenšuvnna bisteavašvuodámihtuid ja lea dehálaš vai joksá servodatmihtuid mat evttohuvvojtit ođđa suohkanplána servodataosis, searvadahtima ja máŋggabealat servodaga dáfus, lassin álbmotdearvvašvuhtii. Ollu suorggit fertejít váldit ovddasvástádusa vai suohkanis lea buorre kultureallin. Dasa lassin lea kultureallin áibbas eaktodáhtolaš suorggi hálldus. Go falástallama ja fysalaš aktivtehta plána galgá molsut, de berre árvvoštallat galgá go leat ođđa oktasaš plána falástallama, fysalaš aktivtehtii ja kultuvrii. Dat addá vejolašvuoda geahččat olles kultursuorggi ovttas.

Johtolatsihkarvuhta: Guovdageainnu suohkanis lea suohkanoasseplána johtolatsihkarvuhtii mii doaibmá 2025 rádjái. Dát rievaduvvo fáddáplánan, ja ođastuvvo 2026:s. Dehálaš fokus ođasteamis lea ahte boahtteáiggis galgá Guovdageaidnu leat suohkan mii láhčá dili dasa ahte eambbogat válljejit vázzit ja sykkelastit.

Konklušuvnnat:

- Álbmotdearvvašvuoda bajilgovva galgá ráhkaduvvot 2027:s.
- Ođđa bajásšaddanplána dohkkehuvvo 2026:s. Plánašlädja fáddáplána.
- Ođđa Dearvvašvuoda- ja fuolahuplána. Plána čielggada makkár fágaplánat galget mielde dearvvašvuoda- ja fuolahuplánas. Dassážii jotkojuvvojtit dálá fágaplánat. Plánašlädja fáddáplána.
- Gárrenmirkopolitihkalaš doaibmaplána ođastuvvo 2025:s. Plánašlädja fáddáplána.

- Oadjebas Guovdageainnus/ Trygg i Kautokeino ođastuvvo 2024:s.
- Falástallama ja fysalaš aktivitehta plána ođastuvvo 2026:s. Árvvoštallo siskkildit sihke falástallama ja kultuvrra. Plánašlädja rievdaduvvo suohkanoasseplásas fáddáplánii.
- Ásodatsosiála doaibmaplána čuldojuvvo eret ja galgá leat čađamanni fáddán olles plánnavuogádagas
- Johtolatsihkarvuodaplána ođastuvvo 2026:s. Rievdaduvvo plánašlädjii fáddáplána.

4.4 Dálkkádat- ja biraslaš bisteavašvuhta

Hástalusgovva

Suohkanis leat ovddabealde stuora hástalusat mat gáibidit ollu návcçaid dustet biras-, dálkkádat- ja luonnduhástalus doaimmaid dáfus. Guovdageainnus lea dálkkádat ollu rievdan majemus čuohtejagis ja boahť ain rievdat ovddasguvlui. Dálkkádatkriisa gullá lávgalagaid oktii luonndukriissain, šlájaid ja áitatvuloš ekovuogádagaid jávkamiid geažil eatnamiin ja čáziin.

Dálkkádatriegdamat ja dálkkádatheiveheapmi

Guovdageainnu suohkan lea suohkan gos dálkkádatgássaid luonnduváikkuhusat leat stuorábut go dálkkádatgássaid luoitimmat. 2015 dieđut mat gullet dálkkádatgássaid luonnduváikkuhusaide, ja olilslaš areálageavaheapmi ii leat olus rievdan dan rájes. Norgga stuorámus suohkanin areálaid dáfus, de leat olu čázit, jeakkit ja vuovddit maiddái dálkkádatgássat váikkuhit.

Guovdageainnu suohkanis dakhá dálkkádatgássaluoitin 3,8 tonna CO₂e juohke ássi nammii. Suohkana ollilaš dálkkádatgássaluoitin dakhá 10 926 tonna CO₂e 2022:s, mii lei 2,6% lassáneapmi ovddit jagi ektui. Dálkkádatgássaluoitimat leat unnon 2013 rájes. Stuorámus oassi dálkkádatgássaluoitimiin gullá geaidnojohtolahkii, gos lossa vuodjinfievrrut leat stuorámus gáldun luoitimidda. E45 manná suohkana čađa, ja lea stuora fievrredangudji lossafievrrredeapmái Finnmárkui ja Finnmárkkus.

Dát dálkkádatprofiila, man Norsk Klimaservicesenter lea ráhkadan, čoahkkáigeassá makkár konkrehta váikkuhusaid dálkkádatriegdadusat sahettet dagahit Guovdageidnui ja eará suohkaniidda seamma fylkkas, jahkečuođi lohppii:



Suohkan ferte plánet dálkkádatheivehemíide go dálkkádatrievdadusaid einnostusat čájehat ahte ekstremadálki šaddá dávjjibut go ovdal. Dát guoská erenoamážit bajáščázi giedħallamii ja 100 mehetera gáddiegovllu/sona huksemii.

Suohkanlaš plánen lea dehálaš vai unnida dálkkádatgássaid luoitimiid ja energiijagolaheami. Mearrádusat sajusteami, huksenvuogi ja huksehusa, infrastruktuvrra ja bálvalusaid hábmema birra, sáhttá váikkuhit guhkit áigái ovddasguvlui luoitimiidda ja energiijagolaheapmáí. Danin mii ferte dál juo vuhtiváldit 2050 vuolleqis luoitinservodaga 2050 mihtu. Jus mii bissut nu ahte leat heivehan iežamet otná dálkkádahkii, de leat mii rašit. Mii fertet nannet iežamet nanusvuoda ja heivehannávcca vurdojuvvon dálkkátlaš dilálašvuodaide vai garvit stuora hástalusaid ja goluid boahtteáiggis.

Servodatsihkarvuohta ja gearggusvuohta

Servodatsihkarvuohta ja gearggusvuohta ferte eambbo čalmmustahttit dálkkádaga, birrasa ja geopolitikhalaš dilálašvuodaide go ovdal, mii deattuhuvvo sihke nationála ja regionála bealis. Dát buktá váikkuhusaid Guovdageainnu suohkana doibmii boahttevaš jagiid. Mii ferte váldit vuhtii rievdadusaid eanas suohkanlaš plánain mat ráhkaduvvojit/ođastuvvojit ovddas guvlui. Gearggusvuohta, servodatsihkarvuohta ja ollislašsuodjalus guoská olles servodahkii, buot surrgiid rastá. Dát siskilda eastadeami ja árgabeaivválaš vuođdogearggusvuoda, dilálašvuodaide giedħallama, visot kriisaperspektiivva bálvalusaid bisuheami ja funkšuvnnaid ja návcca suodjalit riikka konflivttas dahje soađis. Luonddu dahje teknihkalaš dahje olmmošlaš sivaid geažil sáhttet čuožzilit dilálašvuoda ja dáhpáhusat, dahje dahje kriminála dahje stáhtalaš aktevraaid dihtomielalaš daguid bokte.

Dálkkádat, biras ja geopolitikhalaš dilálašvuodaide biddjo unnán geopolitikhalaš fuomášupmi gustovaš bajtdási RJR-analysas, dát leat dilálašvuoda dat maid ferte rievdadit boahtte ođasteamis. Suohkanis lea dulvekárta man NČE lea ráhkadan ja leat dahkkon eastadeaddji doaibmabijut sihke Guovdageainnus ja Mázes, muhto ferte lagabui geahčadit lea go dat doarvái. Seammás oaidnit mii go álggos čuožzila sávatkeahtes dáhpáhus, de dat váikkuha mánjga suorgái, mii bidjá stuora gáibádusaid suohkana obbalaš gearggusvuodabargui ja earenoamážit dan dáfus ahte gávdnat bargiidresurssaid dáhpáhusa áigge. Guovdageainnu suohkan lea gearggusvuoda oktavuođas smávva doaibma, vaikko mii báikegottis leat "stuora" bargoaddi, mii sáhttá dagahit gáibdeaddjin čoavdit buot bargguid sávakeahtes dáhpáhusas. Eará momeanta dás lea min geográfalaš sajádat, mii mearkkaša váldá áiggi ovdalgo mii vejolaččat oažžut veahki eará gearggusvuodaaktevrrain ja suohkaniin. Gaskkat suohkanis sáhttet iešalddis leat riskan sávatkeahtes dáhpáhusaide. Hárjehusaid dárbu vurdojuvvo lassánit boahttevaš jagiid.

Bistevaš areálageavaheapmi

Guovdageainnu suohkan lea riikka stuorámus suohkan areálas. Eanas oassi suohkana areálas lea várrejuvvon LNFR-ulbmiliidda, mii lea lunddolaš viiddis areálaid ja vuolleqis olmmošlogu dáfus. Areálaid sihkkarastin LNFR-ulbmiliidda lea dehálaš vai joksá ONa bistevašvuodamihtuid. Min meahcci addá midjiide oanehisfievredduvvon, birasutstilaš ja dearvvaš biepmu. Mis leat ráinnas čáhceresurssat, ja mii oažžut daiguin ráinnas čázi. Ráinnas áibmu buktá buori dearvvašvuoda. Árbevirolaš sámi meahcgegeavaheapmáí lea árvooidnu vuodđun ahte doahttalit olbmo meahci ollislaš árvvusatnima; váldá duše maid dárbbasa iige eambbo, ja luondduburiid hálldaša nu ahte muittus atná boahttevaš buolvvaid nai. Dát sáhttá veahkehít luonddugirjáivuođa geavahit bistevaččat ja suddjet dan girjáivuođa. Lea dehálaš ahte areálaid, árvvuid ja resurssaid hálldašeapmi vuhtiváldá sámi luonduipmárdusa ja -geavaheami.

Boazoealáhus lea márssolaš kulturguoddi ja ealáhus, mii lea hui márssolaš ollugiidda Guovdageainnus. Viiddis areálat suohkanis leat guohtun- ja johttinguovllut bohccuide. Boazodoallu lea areáladárbbášeaddji ealáhus mii lea garra deattu vuolde daningo massá guohtunguovlluid. Boazoealáhus gullá ealáhusaide masa dálkkádatrievdadusat čuhcet eanemusat. Boazodoalu kriissat čuhcet eanas osiide suohkanis.

Guovdageainnu álbmot geavaha meahci birrajagi čoaggit luopmániid, guolástit, boaldinmuoraid háhkut iežaset várás ja vázzit mehcciin. Meahcásteapmi lea márssolaš eanas oassái álbtogis Guovdageainnus. Meahcásteapmái gullet doaimmat nugo muorječoaggan, bivdu ja urttaid čoaggin, mii ii leat dušše astoáiggedoabima, muhto maiddái oassin sámi servodagaid ekonomalaš doaimmas mas lea stuora mearkkaupmi ollu Guovdageainnu ássiide.

Guovdageainnu suohkan lea suohkan gos leat ollu bievla- ja muohtaskohterláhtut main álbmot beassá viidát vánndardit viiddis meahcceguovlluin. Guovdageainnu suohkanis leat sullii 230 km bievlaláhtut, sullii 900 km muohtaskohterláhtut. Suohkanis lea lohpi addit dispensašunvnnaid. Dispensašunvnnaid addimis ferte vuhtiiváldit luonduvalljivođa seammás go árbevirolaš meahccegeavaheami nai válđá vuhtii. Guovdageainnu suohkanis lea dispensašuvdnageavadat mohtorjohtolatlágas mii lea báikkálaččat heivehuvvon, mas ollu deattu bidjá báikkálaš vánndardandárbbuide ja árbevieruide iežaset dispensašuvdnageavadat. Jahkásaččat leat 1400-1500 dispensašuvnna iešguđet ávkkástallanguovlluide ovtta jagis. 35-40% dain gullet bievlaeatnamiidda.

Viesut ja huksehus

Suohkan mearrida gosa viesuid sáhttá hukset, makkár čoahkkebáikkiid ja gilážiid galgá vuoruhit ja gos addá lobi bieđggus viessohuksemiidda ja astoáiggeviesuid huksemiidda. Bistevašvuodaperspektiivvas addá bieđggus viessohuksen stuorát gaskkaid, dálkkádatluoitimiid, eanet resursadárbbuid ja divraset goluid suohkanlaš bálvalusaide. Infrastruktuvrra (luodda, čáhci, rufe ja bajáščáhci) máksá ollu ordnet ja bajásdoallat. Guovdageainnu suohkana areálaplánemii lea márssolaš muitit mis šaddá vuorraset álbmot man geažil šaddá eanet dárbu dearvvašvuđa- ja fuolahuusbálvalusaide. Ávkkástallat dan buoremusat, de lea jierpmálaš areálageavaheapmi čohkhet huksehusa Mázes ja Guovdageainnu márkanis. 2024:s leat 14 guoros viessosaji Guovdageainnu márkanis, ja plánabargu lea álggahuvvon viessoguvlui Loanodievás.

Dán fertet bargat vai dustet hástalusgova:

Servodatsihkarvuhta ja gearggusvuhta: Guovdageainnu suohkan galgá leat oadjebas báiki gos orrut ja vánndardit. Suohkan galgá gearggus dustet sávakeahtes dáhpáhusaid, já jámmat ođastit ollislaš riska- ja rašesvuodaanalysa (RJR) man suohkanstivra galgá dohkkehít. Dán analysa vuodul suohkanis galgá leat bajtdási hálldahuslaš gearggusvuodaplána. Dát molsojuvvo 2026:s. Dahkko hálldahuslaš ođasmahttin go šaddet rievdadusat omd. ođđa olmmoš doaimmas jnv.

Čázi, rufe ja čáhcebírrasa válđoplána 2022-2034 addá strategalaš ja bajtdási láidestusaid čáhcelágideapmi ja rufegieđahallamii Guovdageainnu suohkanis. Guovdageainnu suohkanis lea ovddasvástádus sihkkarastit doarvái ja ráinnas čázi álbtogii ja ahte álbtogia rufe dagaha unnimus lágje nuuokkideami. Plána bistá guoktenuppelohkái jagi ja ii leat boahztán ovdan lea dárbu ođastit dán plána dán plánaáigodagas.

Sámi luonddugeavaheapmi: Guovdageainnu suohkanii lea dehálaš ahte areálaid, árvvuid ja resurssaid hálldašeapmi váldá vuhtii sámi luonduipmárdus ja -geavaheami. Dát perspektiiva váldo vuhtii ođđa servodatoasis areálastrategijain, ja galgá muđui viidáset čuovvoluvvot plánavuogádagas. Ii ordnejuvvo nu ahte ráhkaduvvo sierra fáddáplána.

Kulturmuittut: Min areálageavahemiin lea dehálaš mii sihkkarastit min mágsoleamos kulturmuittuid. Kulturmuitoplána ráhkademiin suohkan sahttá čalmmustahttit mágsoleamos kulturmuittuid, ja mot mii galgat daid fuolahit ja ávkkástallat. Sámediggi rávvii ovddit plánastrategija gulaskuddancealkámušastis ahte suohkan ráhkada kulturmuitoplána. Sáhttá árvvoštallat galgá go dat leat oassin suohkanplána areálaoasis, muhto ii leat láhčcojuvvon dilli nu ahte dat galgá ođastuvvot dán áigodagas.

Dálkkádat ja dálkkádatheiveheapmi: Dát galgá vuhtiváldojuvvot suohkanplánas dahje sierra suohkanoasseplánas. Guovdageainnu suohkanis lea dálkkádat- ja energijaplána 2012 rájes. Dán berre čuoldit eret. Suohkanplána servodatoassi addá bajtdási ládestusaid suohkana bargui dálkkádat ja dálkkádatheivehemiin, ja dálkkádat galgá leat čađamanni fáddá Guovdageainnu suohkana plánavuogádagas.

Konklušuvnnat:

- Bajtdási gearggusuodaplána molsojuvvo 2026:s.
- Čázi, rufe ja čáhcebirrasa váldoplána jotkojuvvo
- Kulturmuitoplána ráhkaduvvo. Plánašlädja fáddáplána
- Dálkkádat ja energijaplána čuldojuvvo eret, ja šaddá čađamanni fáddán plánavuogádagas.
- Sámi luonddugeavaheami birra čállojuvvo suohkanplána servodatoasis ja areálastrategijas, ja galgá muđui čuovvoluvvot plánadahkosis

4.5 Ekonomalaš bisteavašvuhta

Hástalusgovva

Manjemus jagiid dáhpáhusat leat čuohcan ekonomijii, servodahkii ja ealáhuseallimii garrisit ja buktán stuora rievadusaid ekonomalaš rámmaeavttuide. Ovddas guvlui boahtá leat stuora eahpesihkarvuhta ekonomalaš ovdáneami dáfus ja mot dat váikkuha suohkanekonomijii. Dán perspektiivvas lea hástalus láhčit dili suohkana ruđaid hálldašeapmái mii duhtada geavaheddjiid bálvalusdárbbuid seammás go dat veahkeha bisuheames ekonomalaš doaibmanmuni. Suohkanis ferté leat mihttun górtadit liigeváriid maiguin sahttá dustet ekonomalaš hástalusaid globála ja nationála ekonomalaš rámmaeavttuid rievdamiid geažil.

Guovdageainnu suohkana hástalusgovva čujuha stuora servodatlaš hástalusaide, nugo demografiija ja bálvalusdárbbuid rievdamii, rekrutterenhástalusaide, dálkkádahkii ja ealáhusstruktuvrii. Dát máŋggadáfot hástalusat dagahit nai stuora váikkuhusaid suohkana ekonomijii. Nuppástuhttin ja beavttalmahttin šaddá danin dárbašlaš vai bisuha buori bálvalusfálaldatkvalehtta. Mii fertet dahkat

váttis vuoruhemiid, ja dárbbasit gelbbolašvuoda buriin vugiin dustet boahttevaš seastimiid ja nuppástuhtimiid.

Dábálaš vuohki dustet demografijahástalusaid lea leamašan ealáhusovdánemii ja ásaheamen bargguid. Hástalusgovva lea dattetge eambbo kompleaksa, ja dan ferte dustet mihá eanet doaibmabijuiguin. Boaittebealguovlluid demografijahástalusaid váikkuhusat leat čielggaduvvon. Ođđa dienasvuogágada rievdadusat suohkaniidda ii leat positiivvalaš suohkanii. Jahkásáš ruhtasirdimat dienasvuogágada bokte unnidit suohkana doaibmanmuni ovddas guvlui.

Suohkanekonomiija

Suohkaniin lassánii ekonomalaš doaibmanmunni jagiin 2021-2022. Lassáneapmi, lei nugo vurdojuvvon, gaskaboddosaččat. Áigodat alla veiarodietnasiiguin orro leame meaddel. Gustovaš ekonomijaplánaáigodagas lea láhčojuvvon netto negatiiva doaibmabohtosii. Suohkana loatnavealgi lea stuorát go jahkásáš dienasdássi. Vaikko suohkanis leat friddja ruđat hálldašanfoanddas, de plánejuvvon doaibma netto negatiivvalaš doaibmabohtosiin ja alla loatnavelggiin ii leat ekonomalaš ceavzil guhkit áigái.

Suohkana dietnasiid galgá hálldašit nu ahte dat addet buriid bálvalusaid suohkana ássiide. Hukset stuora hálldašanfoanddaid ja ruhtavárrejumiid danin ii berre leat iešalddis mihttun, muhto lea jierpmálaš seastit ruđaid hálldašanfondii vai lea ekonomalaš buffer. Hálldašanfoanda galgá addit stuorát doaibmanmuni boahttevaš doaibmabijuide, ja leat ekonomalaš bufferiin jus bohtet vuorddekeahes gollolassáneamit dahje dietnasiid váiluma. Suohkanat buriin doaibmanmuniin sáhttet dustet gáržidemiid dahje vuorddekeahas dáhpáhusaid go vuolidit doaibmabohtosa dahje geavahit ruhtavárrejumiid, iige dat buvtte njuolga váikkuhusaid bálvalusfálaldahkii. Jus suohkan ii rievdat dálá doaimma, de áiggi vuollái sáhttá čuohtcat suohkana bálvalusdoibmii. Hástalus lea čađahit nuppástuhtima jođáneappot go bálvalusdárbbu rievdan. Ovdáneapmi dán rádjái čájeha juo ahte bálvalusdárbbu rievdan juo lea váikkuhusaid buktán. Velggiid ja kapitálagoluid lassáneapmi váldá stuorát ja stuorát oasi doaibmadietnasiin ja dasto báhcá unnit bálvalusbuvttadeapmái.

Láhčojuvvo nu ahte Guovdageainnu suohkan galgá dohkkehít guokte dehálaš suorgeplána suohkanstivraáigodagas, dearvvašvuoda- ja fuolahuoplána ja bajásšaddanplána. Nuppástuhttinplána ja ekonomalaš bistevaš bálvalusbuvttadeami sihkkarastin šaddet dehálaš fáddán dán guovtti pláns.

Bargosajit ja ealáhusovdáneapmi

Manjemus 10 jagiid lea bargosajiid lohku lassánan, maiddái buohastahtton dáid gaskamearálaš loguiguin. 31% bargoolbmuin leat badjel 55 jahkásáččat, mii buktá stuora rekrutterendárbbu boahtteáiggis. 2021 rádjái lei priváhtá ealáhuseallimis ovdáneapmi, earenoamážit vuodđoealáhusain, muhto njedjan guosseealáhusain ja almmolaš suorggis. Gálvojohtu 50 stuorámus fitnodagain lassánii 16%:in 2021:s manjel dássema 2020:s. Gánnáhahttin lea buorránan, mas leat fitnodagaid lohku lassánan main leat positiivvalaš bohtosat.¹

Guovdageainnu suohkana nuppástuhtinstáhtusa áigodahkii 2019-2025. Nuppástuhttinprogramma galgá veahkehít oažžut ođđa bargosajiid ja sihkkarastit dálá bargosajiid. Ja lasihit ealáhuseallim ceavziluođa ja veahkehít lasiheame innovašuvdnánávcca. Duogážiin nuppástuhtinstáhtusii lea ahte

¹ Ovdánahttinanalysa 2022 Guovdageainnu suohkan. BDO.

suohkan lea hui duođalaš dilis, sihke ealáhus- ja servodatlačcat, boazodoalu dálá nuppástuhettima, alla bargguhisvuoden ja mánáidgeafivuoden geažil. «Ođđa ovdánananalysa ja servodatanalysa» lea analysa mii ráhkaduvvui 2019:s vejolašvuoden aid birra suohkanis ja ángiruššansurggiid rávvemat, ja dat čájehii ahte Guovdageainnus lea okta dain eanemus oktagardánis ealáhusstruktuvrrain Finnmárkkus go geahčá duše priváhta suorgái. Guovdageaidnu lea garrisit guovdilaston/spesialiserejuvpon boazodoalu guovdu gullevaš biebmogálvoindustrijain (njuovahagat). Árbevirolaš eanandoalus barget 10 olbmo. Vuostálasvuoden muđui Finnmárkkus, de dattetge gávdno nai veaháš tekstilaindustriija ja eará industriija (golle- ja silbačijat, lávvubuvttadeapmi).

Lea Ovddos AS mas lea ovddasvástádus hálldašit nuppástuhettinprogramma. Fitnodat bargá meannudeames prošeaktaohcamiid ja ovddidit iežas prošeavttaid gustovaš nuppástuhettiplána mielde.

Ássan ja viesut

Viessomárkan ferte oktiivástolaš álbmotčoahkádusain suohkanis ja ealáhuseallima ovdánemiin. Guovdageainnu suohkanis váilot láigoviesut, mii sáhttá váttisin dahkat rekrutterema ealáhuseallimii.

Viesut váilot sihke Mázes ja Guovdageainnu márkanis. Mázes lea boares suohkanoasseplána, ja váilot viessohuksensajit sihke ealáhusaide ja viesuide ráddjejít ovdáneami. Badje Mázes leat muddejuvpon guokte viessohuksensaji maidda ii leat huksejuvpon.

Ássanministar Guovdageainnus lávdan ássamiin sáhttá hástalus suohkanii bálvalusaddin. Lávdan ássanministar sáhttá mearkkašit stuorát goluid suohkanlaš bálvalusaid ovddas, nugo geainnuid, čázi ja rufe huksema ja bajásdoallama, fuolahusbálvalusaid ja skuvla- ja mánáidgárdestruktuvra dáfus. Seammás lea móvssolaš láhčit dili vai sáhttá orrut árbevirolaš sámi gilážiin mii lea dehálaš identitehtii ja báikegullevašvuhtii. Ollugat sis geat fárrejít smávit gilážiin suohkanis fárrejít eret suohkanis. Boahtteáiggis ferte suohkan ja ássit/eaktodáhtolačcat eambbo ovttasbargat doaibmabijuid dáfus mat sihkkarastet buori eallinkvalitehta ja buriid eallineavttuid.

Areálat ealáhusovdáneapmái

Areálaplánat leat móvssolačcat buot bistevašvuoden dimenšuvnnaide, maiddái ekonomalaš dimenšuvdnii. Ealáhusareálaid gávdnan, ealáhusareálaid plánen ja láhčin ja huksen nu ahte vuhtiiváldá eará beroštumiid nug luonduvalljivuoden, sáhttá nannet ealáhusovdáneami ja addit eanet árvoháhkama. Lagasguovllu hábmemis lea stuora mearkkašupmi loaktimii ja eallinkvalitehtii.

Ealáhusguovlluun Guovdageainnu suohkanis lea eará struktuvra go eará suohkaniin. Stuora almmolaš bargsajit ja almmolaš ja priváhta bálvalusdoibma lea čohkkejuvpon Guovdageainnu guovddážii. Smávit priváhta fitnodagat nugo biiladivohat, biergogávpi, duodji ja eará doaimmat, gávdnojít maiddái viessohuksehagas. Leat muddejuvpon eanet guovllut ealáhusdoaimmaide márkanis, ja Hánnomaras lea muddejuvpon industriiji. 2024:s leat 2 guoros viessohuksensaji Hánnomaras ealáhusguovllus, ja lea dieđihuvpon plánabarggu álgin dán guovllu viiddideapmái. Mázes eai leat muddejuvpon ealáhusviessosajit, mii lea hui gáržžideaddji ovdáneapmái.

Suohkan lea majemus jagiid eanet ángiruššama bidjan mätkeeláhussii. Dálá areálaoasis ii leat várrejuvpon vásedin areála mätkeeláhusálggahemiide, go dat eanas muddui ledje čadnon vásáhusaide, ja unnit visttiide ja areálaide. Lassánan ángirušsan lea dattetge mieddisbuktán dárbbu plánet areálaid mätkeeláhussii.

Areálaoasis háliida suohkan ah te báikkálaš ealáhusdoaimmat eambbo čohkkejuvvojít márkuovddážii daningo fitnodagat dalle sáhttet oažžut kundariid/gallededjiid/gussiid fitnat eará gávppiin nai, ja maiddái eanet oidnosii šaddat earáide go báikkiolbmuide.

Servodatanalyssa ja vejolašvuodaguorahallan Máze

Guovdageainnu suohkana ulbmil lea bisuhit ja ovddidit Máze báikegotti, mas lea stuorra mearkkašupmi sámi kultuvrii, gillii ja servodateallimii. Danin lea 2023:s ráhkaduvvon servodatanalyssa ja vejolašvuodaguorahallan Mázii.

Mázes lea olmmošlogu ovdáneapmi hui negativa, dat lea unnon 20%:in áigodagas 2012-2022. Báikkis orro 268 olbmo 2012:s, ja 2022:s ledje ges registrerejuvvon 215 olbmo geat orro doppe. 53 olbmo unnnun lea ollu dakkár smávva báikái go Mázii ja dat dakhá earenoamáš hástaleaddjin bisuhit vuđolaš bálväsfáaldagaid nugo mánáidgárddi, skuvlla ja biebmorámbuvrria.

Servodatanalyssa čujuha 3 kritikhalaš eavttuide mat fertejít sajis bisuhit olbmuid orrumis Mázes: guhkeságge, oadjebas ja buorre mánáidgárdefálaldat buot mánáide ovdaskuvlaagis geat dan háliidit, guhkeságge, oadjebas ja buorre skuvlafálaldat 1.-10.skuvlaceahkkái ja gárvves viessohuksensajit ja viesut láigoheampái.

Dustet dáid hástalusaid, de mii fertet bargat dán:

Strategalaš ealáhusplána— Lea dárbu bajitdásis geahččat mot suohkan galgá ovttasbargat ealáhuseallimiin vai šaddá ealáhusustitlaš suohkanin. Dás lea dárbu čielggademiid dahkat areálaid, strategijaid, márkanfievredeami, gelbbolašvuðja ja ipmárdusa deháleamos ealáhusaid hástalusaid ja vejolašvuodaid dáfus, ja láhčit dili ođđaálggahemiide ja stuorumii. Nuppástuhittinfitnodat Ovddos AS lea váldán badjelasas ovddasvástádusa ráhkadir strategalaš ealáhusplána jagis 2025.

Suohkanoasseplána Máze. Ovddit plánastrategiijas lea dohkkehuvvon ah te Máze suohkanoasseplána, mii lea 1997 rájes, galgá ođastuvvot. Bargu lea álgghahuvvon, ja dohkkehuvvo 2026:s.

Suohkanoasseplána Márkan. Suohkanoasselána jotkojuvvo. Eai leat dárbbut mat galget čovdojuvvot plánaproseassa bokte.

Dearvvašvuoda- ja fuolahusplána ja bajásšaddanplána— Dán guovtti fáddáplána ferte fáddáplánet demográfalaš rievdadusaide ja bálvälsdárbbu rievdamidda, mas fokusere nuppástuhittima ja beavttalmahttima.

Konklušuvnnat:

- Strategalaš ealáhusplána dohkkehuvvo 2025:s.
- Máze suohkanoasseplána ođastuvvo. Dohkkehuvvo 2026:s.
- Márkana suohkanoasseplána jotkojuvvo.

5. Planstrategija 2024 – 2027

| Plána | Plánašlädja | Rievdadus šlädja | Álginjaahki | Mearr.jahki |
|--|-----------------------------|---------------------|-------------|-------------|
| Suohkanplána servodatoassi | Suohkan-plána | Ođastuvvo | 2017 | 2025 |
| Suohkanplána areálaoassi | Suohkan-plána | Jotkojuvvo | 2017 | |
| Suohkanlaš plánastrategiija | Plánastrategiija | | 2024 | 2024 |
| Bušeahhta ja doaibmaoassi ekonomijaplánain (DEP) | Ekonomijaplána doaibmaosiin | Molsojuvvo | 2024 | 2024 |
| | | | | 2025 |
| | | | | 2026 |
| | | | | 2027 |
| Máze suohkanoasseplána | Suohkanoasse- plána | Ođastuvvo | 1997 | 2026 |
| Márkan suohkanoasseplána | Suohkanoasse- plána | Jotkojuvvo | 2017 | |
| Bajásšaddanplána | Fáddáplána | Ođastuvvo | 2019 | 2026 |
| Dearvvašvuoda ja | Fáddáplána | Ođđa | | 2025 |
| Gárrenpolitíhkalaš doaibmaplána | Fáddáplána | Ođastuvvo | | 2025 |
| Oadjebas Guovdageainnus | Fáddáplána | Ođastuvvo | | 2025 |
| Falástallama ja fysalaš aktivitehta plána | Fáddáplána | Ođastuvvo | | 2026 |
| Viessososiála doaibmaplána | Fáddáplána | Loahpahuvvo | 2020 | |
| Johtolatsihkarvuodaplána | Fáddáplána | Ođastuvvo | | 2026 |

| | | | | |
|--|------------------------|------------|------|------|
| Bajitdási gearggusvuodá plána | Fáddáplána | Molsojuvvo | | 2026 |
| Čázi, rufe ja čáhcebirrasa váldoplána | Fáddáplána | jotkojuvvo | | |
| Kulturbirasplána | Fáddáplána | Ođđa | | 2027 |
| Dálkkádat- ja energijaplána | Suohkanoasse- plána | Ođastuvvo | 2012 | 2027 |
| Strategalaš ealáhusplána, mas earenoamáš fokus árbevirolaš sámi ealáhusaide, boazodollui ja meahcásteapmái | Fáddáplána | Ođđa | | 2026 |

Molsun: Plána ođasmahttin dálá máhtu ektui ja lasiheapmi dálá rámmaid siskkobealde.

Ođasteapmi: Geahčadit olles/osiid plánas, nugo mihttomeriid ja vuoruhemiid.

6. Suohkanstivrra mearrádus áššis 68/24

Suohkanstivrra mearrádus, 18 jienain 1 jienä vuostá:

Guovdageainnu suohkanstivra dohkkeha Guovdageainnu suohkana plánastrategiija áigodahkii 2024-2027 dáiguin rievdadusaiguin:

"Kulturmuitoplána" sadjái galgá čuožžut "Kulturbirasplána"

Suohkanstivra čujuha ahte dálkkádat- ja energijaplána ferte bisuhuvvot ja ođastuvvot 2027 rádjái, go dát lea eavttuin okta vai Guovdageainnu suohkan galgá bisuhit bisteavašvuodamearkka bisteavaš mätkeéaláhusas. Dálkkádatplána ii loahpahuvvo, muhto ođastuvvo 2027 rádjái.

Guovdageainnu suohkanstivra hálliida strategalaš ealáhusplánas mii galgá meannuduvvot 2026:s galgá leat earenoamáš fokus árbevirolaš sámi ealáhusaide, boazodollui ja meahcásteapmái.